

POLYGAMIA ÆQUALIS.

GENUS I. CICHORIUM.

Char. Gener. *Receptac.* sub-paleaceum. *Cal.* calyculatus. *Papp.* sub-5-dentatus, obsolete pilosus. Lin. sy. pl. G. 1000.

Sp. 1. CICHORIUM ENDIVIA. β Khú tsái. & Khố thảo.

Differ. spec. *Cic. floribus* solitariis, pedunculatis: *foliis* integris crenatis. Lin. sp. 2.

Hab., & notæ. *Caulis* herbaceus, annuus, 2-pedalis, erectus, teres, crassus, ramosus. *Folia* ad radicem multa, magna, sub-cuneiformia, sinuato-dentata, utrinque glabra: suprema lanceolata, parva. *Flos* dilutè cæruleus, solitarius, pedunculatus. Sapor plantæ amaricans: odor nullus. Esculenta, Refrigerans.

Habitat in locis Borealibus imperii Sinensis.

Thunb. Jap. pag. 304. *Intybus fativa*, latifolia, sive Endivia vulgaris. Bauh. Pin. pag. 125. n. 1.

GENUS II. PICRIS.

Char. Gener. *Recept.* nudum. *Cal.* calyculatus. *Pappus* plumosus. *Sem.* transversè fulcata. Lin. G. 986.

† Sp. 1. PICRIS REPENS. β Hà hoàm liên. α Hà hoàng liên.

Differ. spec. *Pic. perianthis* exterioribus imbricatis, brevibus: interioribus cylindræis, 8-phyllis, lævibus: *caule* repente.

Hab., & notæ. *Caulis* herbaceus, procumbens, repens, tenuis, teres, glaber. *Folia* lanceolato-lineararia, obtusa, repanda, denticulata, glabra. *Flos* semiflosculosus, luteus: pedunculis longis, paucifloris, sparsis, foliis sub-æqualibus. *Calyculus* brevis imbricatus: *calyx* interior oblongus, teres, 8-phyllus, foliolis linearibus, lævibus, æqualibus. *Corollula* omnes hermaphroditæ, ligulatæ, 5-fidæ. *Pappus* sub-plumosus, stipitatus. *Semina* in longitudinem (non transversè) fulcata. Radix tenuis, amarissima.

Habitat spontanea Cantone Sinarum. Est alia planta, ejusdem virtutis, saporis, & nominis, sed caule erecto, & radice crassiusculâ, quam solummodo pictam vidi in herbariis Sinensibus.

Virtus: radicis. Deobstruens, Antifebrilis.